



Na osnovu člana 46. stav (5) Zakona o izvršavanju Budžeta Unsko-sanskog kantona za 2026. godinu („Službeni glasnik Unsko-sanskog kantona“, broj 1/26), člana 14. Zakona o poticaju razvoja male privrede Unsko-sanskog kantona („Službeni glasnik Unsko-sanskog kantona“, broj 5/26) i Programa poticaja razvoja male privrede za 2026. godinu, broj: 03-02-44-589/2026 od 6.5.2026. godine Ministarstvo privrede objavljuje:

JAVNI POZIV

za odabir korisnika sredstava po Programu poticaja razvoja male privrede za 2026. godinu
„Podrška pokretanju vlastitog biznisa – START UP“

I. PREDMET JAVNOG POZIVA

Predmet ovog Javnog poziva je prikupljanje prijave punoljetnih fizičkih lica koja imaju poduzetnički duh, s inovativnim i provedivim poslovnim idejama za pokretanje vlastitog biznisa, u svrhu **sufinansiranje prihvatljivih troškova**, u skladu s uslovima i namjenom utvrđenim ovim Javnim pozivom.

II. PRAVO UČEŠĆA

Pravo učešća imaju punoljetna fizička lica sa prebivalištem na području Kantona koja imaju poslovnu ideju za samozapošljavanje i samostalni početak biznisa, razrađenu kroz dostavljeni biznis plan, te koja **nisu registrovala poslovni subjekt prije dana objave Javnog poziva**.

Poslovna ideja, uobličena i razvijena u dostavljenom biznis planu, mora se odnositi na djelatnost koja se, u skladu sa **Klasifikacijom djelatnosti KD BiH 2010**, može registrovati kao **osnovnu cjelogodišnju djelatnost** u okviru **proizvodne, proizvodno-uslužne ili uslužne djelatnosti**.

Pravo učešća ne mogu ostvariti lica čije se poslovne ideje odnose na sljedeće djelatnosti: proizvodnju oružja i vojne opreme, proizvodnju duhanskih proizvoda i alkoholnih pića, otvaranje kasina i drugih igara na sreću, trgovinu na veliko i malo (osim šifre djelatnosti 45.20 – Održavanje i popravak motornih vozila), finansijske djelatnosti i djelatnosti osiguranja (područje K), poslovanje nekretninama (područje L), administrativne i pomoćne uslužne djelatnosti (područje N).

III. USLOVI ZA DODJELU SREDSTAVA

Pravo na dodjelu poticajnih sredstava imaju lica iz tačke II. ovog Javnog poziva koji ispunjavaju sljedeće uslove:

- a) da imaju prebivalište na području Kantona;
- b) da su punoljetni;
- c) da su dostavili ispravno popunjen Prijavni obrazac na propisanom obrascu;
- d) da su dostavili Biznis plan na propisanom obrascu;
- e) imaju namjeru bavljenja vlastitim biznisom i, u slučaju odabira, spremna su registrirati firmu u svom stopostotnom vlasništvu;
- f) da do dana podnošenja prijave nisu koristila poticajna sredstva koja potiču iz Budžeta Federacije BiH, Kantona ili jedinica lokalne samouprave za istu namjenu za koju se podnosi prijava;
- g) **da su spremna osigurati vlastito sufinansiranje u iznosu od minimalno 10% od ukupne vrijednosti projekta.**

IV. SREDSTVA ZA IMPLEMENTACIJU

Sredstva za implementaciju ove mjere obezbjeđena su u Budžetu Unsko-sanskog kantona za 2026. godinu, budžetski korisnik Ministarstvo privrede, na ekonomskom kodu 614500 FAP002 – „Subvencije privatnim preduzećima i poduzetnicima“ u ukupnom iznosu od **400.000,00 KM**.

Minimalan iznos sredstava koji se može dodijeliti **fizičkom licu iznosi 1.000,00 KM, a maksimalan 6.000,00 KM**, pri čemu se za **troškove registracije poslovnog subjekta**, dodjeljuje fiksni iznos od **500,00 KM**.

Minimalan iznos sredstava koji se može dodijeliti **pravnom licu iznosi 2.700,00 KM, a maksimalan 10.000,00 KM**, pri čemu se za **troškove registracije poslovnog subjekta**, dodjeljuje fiksni iznos od **1.500,00 KM**.

U maksimalan iznos sredstava koji se može dodijeliti, uključuje se i fiksni iznos za registraciju poslovnog subjekta, samo ukoliko podnosilac prijave iskaže tu potrebu u prijavnom obrascu.

Relevantan i prihvatljiv dokaz o namjenskom utrošku sredstava za troškove registracije je Rješenje o registraciji izdato od nadležnog gradskog/općinskog organa, odnosno važeći izvod iz sudskog registra.

V. NAMJENA UTROŠKA SREDSTAVA I ROK ZA IMPLEMENTACIJU

Sredstva iz tačke IV. Javnog poziva namijenjena su za **sufinansiranje prihvatljivih troškova, isključivo u funkciji obavljanja pretežne djelatnosti**, i to :

- a) nabavku mašina, proizvodnih linija, uređaja i opreme, uključujući zavisne troškove kao što su transport, špediciju, carinjenje, montaža i drugi prateći troškovi;
- b) nabavku ili izradu digitalnih rješenja u cilju automatizacije poslovnih procesa (softver i hardver), kao i troškove tehničkog usklađivanja kroz modernizaciju i inovaciju poslovnih procesa, uključujući uvođenje sistema međunarodnih standarda kvaliteta putem odgovarajućih konsultantskih usluga i edukacija za certificiranje sistema i proizvoda (CE znak), sticanje prava ili obnavljanje certifikata ISO, HACCP, HALAL i drugih međunarodnih standarda;
- c) učešće na domaćim i međunarodnim sajmovima u svojstvu izlagača, uključujući troškove zakupa sajamskog prostora, najma, uređenja i vođenja štanda, kao i troškove izrade i štampanja promotivnih materijala i
- d) ostale troškove direktno povezane sa pokretanjem i obavljanjem pretežne djelatnosti, pod uslovom da su jasno obrazloženi u Prijavnom obrascu i Biznis planu, te odobreni od strane Ministarstva.

Podnosilac prijave je obavezan osigurati **minimalno 10% vlastitog učešća** u ukupnoj vrijednosti projekta.

Bespovratna sredstva mogu se koristiti isključivo nakon registracije poslovnog subjekta i potpisivanja Ugovora o dodjeli sredstava.

Troškovi nastali prije registracije poslovnog subjekta nisu prihvatljivi, osim fiksnog iznosa za registraciju firme definisanog u članu 32. Programa.

Podnosilac prijave obavezan je, u roku od 60 dana od dana objave preliminarne liste korisnika, dostaviti dokaz o registraciji poslovnog subjekta, koji ne može biti stariji od dana objave Javnog poziva, uz ostalu propisanu dokumentaciju definisanu članom 35. stav (5) Programa.

Rok za implementaciju projekta je najduže 90 dana od dana zaključenja Ugovora.

Sredstva dodijeljena po ovom Javnom pozivu mogu se koristiti isključivo za troškove direktno povezane sa obavljanjem pretežne djelatnosti subjekta. **Neprihvatljivi troškovi za koje se dodjeljena sredstva ne mogu koristiti su:** nabavka softvera koji nije dio projekta, izrada softvera od strane zaposlenika firme i izrada web stranice, police osiguranja imovine i ljudi, kupovina i iznajmljivanje objekata, zemljišta, svih motornih i priključnih vozila, kupovina objekta za najam ili prodaju, plaće i doprinosi na plaće, troškovi po osnovu Ugovora o djelu, kao i nabavka mašina.

postrojenja, usluga i opreme od lica koja nisu registrovana kao poslovni subjekti i koja spadaju u kategoriju povezanih lica sa podnosiocima prijave (isti vlasnik i/ili suvlasnik pravnog lica, vlasništvo i/ili suvlasništvo bračnog druga, i/ili srodnika u prvom koljenu, i/ili lica koja žive u istom domaćinstvu ili imaju međusobno povezane ili zajedničke investicije), cesije, kompenzacije/novo za staro, krediti, revolving krediti, lizing, gotovinska plaćanja, svi ostali troškove koji nisu u skladu sa Prijavnim obrascem i Biznis planom.

Ministarstvo će odobriti sredstva isključivo za troškove koji su opravdano potrebni za obavljanje pretežne djelatnosti subjekta i realizaciju ciljeva projekta, u skladu sa Prijavnim obrascem i Biznis planom. Troškovi koji nisu opravdano povezani sa pretežnom djelatnošću neće biti odobreni. Ako Prijavni obrazac i Biznis plan uključuju neprihvatljive troškove, izvršit će se umanjenje ukupne vrijednosti projekta za iznos tih troškova.

Mašine, postrojenja i oprema koja se nabavlja sredstvima ovog Programa **ne mogu biti stariji od pet godina** od dana objave Javnog poziva.

Svako korištenje odobrenih sredstava suprotno namjeni utvrđenoj ovom tačkom smatra se nenamjenskim utroškom i podliježe obavezi povrata cjelokupnog iznosa sredstava dodijeljenih od strane Ministarstva.

Korisnici sredstava koji zaključe Ugovor o dodjeli sredstava s Ministarstvom po predmetnoj mjeri ne mogu prestati s obavljanjem djelatnosti u periodu od najmanje jedne (1) godine od dana zaključivanja Ugovora. U suprotnom, dužni su izvršiti povrat dodijeljenih sredstava u cjelokupnom iznosu. Obaveza povrata sredstava **ne odnosi** se na fizička lica koja su registrovana kod nadležnog organa, bez obzira na oblik organizovanja, kod kojih je prestanak rada uzrokovan teškom bolesti, smrti ili višom silom, te u slučaju kada dođe do prestanka obavljanja djelatnosti subjekta male privrede s ciljem zatvaranja iste kako bi se registrovao drugi subjekt male privrede koji će se baviti istom djelatnosti i imati istog vlasnika.

VI. KRITERIJI ZA IZBOR KORISNIKA

1. Vrsta djelatnosti koja se planira registrirati
2. Vlastito učešće u ukupnoj vrijednosti projekta
3. Podnosilac prijave iz ciljnih skupina (žene, mladi do 38 godina i osobe sa invaliditetom)
4. Poslovanje subjekta male privrede u jedinicama lokalne samouprave

VII. PRIJAVA PO JAVNOM POZIVU

Prijava na Javni poziv se vrši putem Prijavnog obrasca (**Aneks I**) koji se preuzima sa web stranice Vlade Kantona (www.vladausk.ba). Potpisom i ovjerom Prijavnog obrasca, podnosilac prijave daje saglasnost da će, u slučaju odobravanja sredstava, zaključiti Ugovor o dodjeli sredstava pod uslovima utvrđenim Programom.

Uz Prijavni obrazac potrebno je dostaviti sljedeću dokumentaciju:

- a) Biznis plan potpisan od strane podnosioca prijave (**Aneks II – sastavni dio ovog Programa**);
- b) Potvrda o prebivalištu podnosioca prijave (original ili ovjerena kopija – ne starija od 30 dana od dana objave Javnog poziva);
- c) Uvjerenje/Rješenje o invalidnosti, ukoliko podnosilac prijave pripada navedenoj kategoriji (ovjerena kopija – ovjera ne starija od tri mjeseca od dana objave Javnog poziva);
- d) Izjava podnosioca prijave da nisu korištena poticajna sredstva iz Budžeta Federacije BiH, Kantona ili jedinica lokalne samouprave za istu namjenu za koju se podnosi prijava, potpisana od strane podnosioca prijave, dostupna na web stranici Vlade Kantona (**Aneks III – sastavni dio ovog Programa**);
- e) Izjava o vlastitom učešću finansijskih sredstava za realizaciju projekta (vlastito učešće u ukupnoj vrijednosti projekta iznosi minimalno 10%) – propisana i dostupna na web stranici Vlade Kantona, potpisana od strane podnosioca prijave (**Aneks IV – sastavni dio ovog Programa**).

Prijave koje ne sadrže kompletnu dokumentaciju smatraju se nepotpunim i neće biti predmet daljeg razmatranja.

Odabrani podnosioci prijave prije zaključivanja Ugovora obavezni su registrovati poslovni subjekt u svom stopostotnom vlasništvu, u roku definisanom u članu 33. stav (5) Programa. **Ministarstvo će zaključiti Ugovor o dodjeli sredstava sa registrovanim poslovnim subjektima**, nakon što isti dostave cjelokupnu dokumentaciju potrebnu za zaključivanje Ugovora o dodjeli poticajnih sredstava, i to:

- a) ovjerenu kopiju Rješenja o registraciji poslovnog subjekta od nadležnog gradskog/općinskog organa ili suda;
- b) ovjerenu kopiju Uvjerenja o registraciji poreznog obveznika (ID broj);
- c) ovjerenu kopiju Obavijesti o razvrstavanju subjekta prema djelatnosti, izdate od Zavoda za statistiku Federacije BiH;
- d) ovjerenu kopiju ugovora o otvaranju transakcijskog računa zaključenog između poslovne banke i poslovnog subjekta;
- e) ovjerenu kopiju obrasca JS 3100 s prijemnim pečatom Porezne uprave (prijava osiguranja podnosioca prijave zaposlenog u poslovnom subjektu koji je korisnik sredstava i u njegovom je stopostotnom vlasništvu);
- f) Original ili kopija ponude ili predračuna sa uključenom tehničkom specifikacijom troškova, izdana od odgovarajućeg poslovnog subjekta, za sve namjene utroška sredstava koje pripadaju prihvatljivim troškovima definisanim u članu 33. stav (1) Programa. Ponude ili predračuni sa uključenim tehničkim specifikacijama ne mogu biti od dobavljača koji spadaju u kategoriju povezanih lica sa podnosiocima prijave (isti vlasnik i/ili suvlasnik pravnog lica, vlasništvo i/ili suvlasništvo bračnog druga, i/ili srodnika u prvom koljenu, i/ili lica koja žive u istom domaćinstvu ili imaju međusobno povezane ili zajedničke investicije). **Dostavljena ponuda ili predračun za troškove sufinansiranja ne mogu biti stariji od dana objave Javnog poziva.**

VIII. OBRADA PRIJAVA I IZBOR KORISNIKA

Za razmatranje prijave po Javnom pozivu za odabir korisnika sredstava po Programu poticaja razvoja male privrede za 2026. godinu za mjeru „Podrška pokretanju vlastitog biznisa – START UP“ ministrica Ministarstva privrede Rješenjem imenuje Komisiju.

Komisija ima zadatak, u skladu sa kriterijima i procedurama utvrđenim Programom, ovim Javnim pozivom i Pravilnikom o postupcima u provođenju Programa poticaja razvoja male privrede, broj: 06-02-6126-1/26 od 04.05.2026. godine, da :

- a) izvrši evaluaciju i bodovanje prijava;
- b) sačini preliminarnu rang listu podnosioca prijava;
- c) sačini listu podnosioca prijava čije su prijave neblagovremene, nepotpune ili neosnovane te iste dostavi ministrici.

Po odobrenju ministricе, liste se objavljuju na web stranici Vlade Kantona: www.vladausk.ba.

Na objavljene liste podnosioci prijave imaju pravo prigovora, koji se podnosi Ministarstvu u pisanoj formi, u roku od osam dana od dana objave lista na web stranici Vlade Kantona.

Nakon isteka roka za podnošenje prigovora i odlučivanja po prigovorima, ministrica donosi Konačnu rang listu korisnika sredstava sa ukupnim brojem bodova i iznosom odobrenih poticajnih sredstava, u roku od osam dana od dana isteka roka za podnošenje prigovora, Vlada Kantona daje saglasnost na Konačnu rang listu i ista se objavljuje na web stranici Vlade Kantona.

Po dobivanju saglasnosti od Vlade Kantona na Konačnu rang listu, u roku posebno definisanom za ovu mjeru naznačenim u tački VII. ovog Javnog poziva, Ministarstvo sa korisnicima sredstava zaključuje Ugovore o dodjeli sredstava, nakon čega će se sredstva doznačiti na transakcijske račune korisnika.

IX. NAČIN DOSTAVLJANJA PRIJAVA

Prijave sa potrebnom dokumentacijom dostavljaju se u zatvorenoj kovrti, lično putem protokola Vlade Kantona ili preporučeno putem pošte, na adresu

**Ministarstvo privrede Unsko-sanskog kantona, Ul. Alije Đerzeleza br. 2, 77 000 Bihać,
s naznakom**

***Prijava na Javni poziv za odabir korisnika sredstava po Programu poticaja razvoja male privrede za 2026. godinu „Podrška pokretanju vlastitog biznisa – START UP“
„NE OTVARAJ“.***

Rok za podnošenje prijava je **30 dana** od dana posljednje objave Javnog poziva.

Neblagovremene prijave, dostavljene nakon isteka roka utvrđenog Javnim pozivom, neće se razmatrati i ne vraćaju se podnosiocima prijava.

X. IZVJEŠTAJ O UTROŠKU SREDSTAVA

Korisnici sredstava su dužni pravdati utrošak ukupnih sredstava (ukupna vrijednost projekta) predviđenih za realizaciju projekta, kako vlastitih, tako i dodijeljenih sredstava Ministarstva. Za sva neopravdana sredstva, Ministarstvo će pokrenuti proceduru povrata i to u iznosu koji je proporcionalan učešću sredstava Ministarstva u ukupnoj vrijednosti projekta.

Tokom projekta, korisniku se daje mogućnost da izvrši nabavku roba i usluga koje spadaju u kategoriju prihvatljivih troškova definisanih tačkom V. ovog Javnog poziva. Vrijednost dodatno nabavljenih roba i usluga ne može prelaziti 20% ukupne vrijednosti projekta definisane Ugovorom.

Rok za dostavu Izvještaja o utrošku finansijskih sredstava je **15 dana od dana isteka roka za implementaciju projekta**. Pravljanje će se vršiti sa odgovarajućom dokumentacijom koja se dostavlja ovom Ministarstvu, i to:

- a) Izvještaj o utrošku finansijskih sredstava – popunjen, potpisan i ovjeren od strane korisnika sredstava (**Aneks V – koji je sastavni dio Programa**);
- b) Izjava o namjenskom utrošku sredstava ovjerena kod nadležnog gradskog/općinskog organa ili notara, propisana i dostupna na web stranici Vlade **Kantona (Aneks VI – koji je sastavni dio Programa)**;
- c) Računi uz obavezan fiskalni račun (ukoliko postoji zakonska obaveza za izdavanje fiskalnog računa) – original ili ovjerena kopija kod nadležnog gradskog/općinskog organa, koji su u skladu sa predračunima/ponudama, dostavljenim uz prijavu na Javni poziv, uključujući i zavisne troškove. **Napomena:** Račun na kojem nije jasno vidljiva svaka specificirana stavka ili je isti prilikom sačinjavanja fotokopije prekriven fiskalnim računom, neće biti priznat kao dokaz prihvatljivog troška. **Račun ne može biti stariji od dana potpisivanja Ugovora**;
- d) Izvod iz banke o realiziranom nalogu za plaćanje iz kojeg je vidljivo da je plaćanje prihvatljivih troškova izvršeno na osnovu predračuna dostavljenog pri prijavi na Javni poziv, odnosno računa dostavljenog pri pravdanju dodijeljenih sredstava;
- e) Fotodokumentacija – fotografije svake nabavljene stavke, printane u boji na A4 papir – ovjerena na poleđini pečatom podnosioca Izvještaja;
- f) Carinska deklaracija – ovjerena kopija kod nadležnog gradskog/općinskog organa (ukoliko se radi o uvozu opreme).

Kreditna sredstva, revolving kredit niti lizing ne mogu se priznati kao vlastito učešće korisnika sredstava za realizaciju projekta po ovom Programu.

Ministarstvo zadržava pravo traženja dodatne dokumentacije i pojašnjenja u vezi sa provjerom namjenskog utroška sredstava, pismenim ili usmenim putem.

Ministarstvo vrši nadzor namjenskog trošenja odobrenih sredstava na osnovu dostavljenih Izvještaja, a po potrebi i neposrednim nadzorom kod korisnika sredstava, koristeći valjane izvore verifikacije navedene u Prijavnom obrascu.

Ukoliko korisnik sredstava ne dostavi Izvještaj o utrošku sredstava, Ministarstvo pokreće zakonom propisanu proceduru za povrat dodijeljenih sredstava.

XI. OSTALO

Sredstva se dodjeljuju korisnicima u skladu sa Konačnom rang listom korisnika sredstava, do utroška sredstava predviđenih za implementaciju pojedinačne poticajne mjere.

Sredstva se dodjeljuju u obliku državne pomoći male vrijednosti (de minimis pomoć). Državna pomoć male vrijednosti predstavlja pomoć jednom privrednom subjektu za bilo koju svrhu koja se dodjeljuje jednom ili više puta i koja ne prelazi iznos od 300.000 EUR u tri uzastopne fiskalne godine, u skladu sa Zakonom o sistemu državne pomoći u Bosni i Hercegovini („Službeni glasnik BiH“, broj: 10/12 i 39/20) i Uredbom o uslovima i postupku dodjele male vrijednosti – de minimis pomoć („Službene novine Federacije BiH“, broj: 22/25).

Ministarstvo zadržava pravo da poništi Javni poziv u bilo koje vrijeme do zaključenja ugovora, bez obaveze pismenog ili usmenog obrazloženja.

U slučaju nedostatka sredstava u Budžetu Kantona, realizacija dodjele sredstava se obustavlja.

Ministarstvo ne snosi troškove nastale u vezi sa prijavom na Javni poziv.

Aneksi od rednog broja I do VI čine sastavni dio ovog Javnog poziva, propisani su za predmetnu mjeru i dostupni su na web stranici Vlade Kantona: www.vladausk.ba.

Uz ovaj Javni poziv objavljuje se Program poticaja razvoja male privrede za 2026. godinu, dostupan na web stranici Vlade Kantona: www.vladausk.ba, te čini njegov sastavni dio, a ovim Javnim pozivom provodi se mjera „Podrška pokretanju vlastitog biznisa – START UP“ iz navedenog Programa.

Sve dodatne informacije vezane za Javni poziv mogu se dobiti putem telefona: 037/316-038 i 037/316-039 ili putem e – maila privreda@vladausk.ba.

Broj: 06-11-5452-9/2026
Bihać, 12.5.2026. godine



MINISTRICA
Samra Mehić, scr.